

文選李注補正



20313
文
選
李
注
補
正

孫志祖
輯

中
華
書
局

叢書集成初編

文選李注補正

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

文選李注補正序

崇賢生於唐初。與許淹公孫羅竝承江都曹憲。爲文選音訓蒼雅之學。遠有端緒。而李注盛行於世。學者與顏師古漢書注竝稱。良不誣也。呂延濟輩荒陋無識。甚媿六臣之目。明汲古閣毛氏本止載崇賢一家。藝林奉爲鴻寶。顧其書網羅羣籍。博洽罕有倫比。而釋事遺義。亦所不免。夫師古書蒼粹衆說精矣。然三劉吳氏迭有刊落。豈積薪之居上。亦集腋之易工。予用是喟然深思。不能已於握槩也。曩旣輯文選考異四卷。茲復合前賢評論。及朋儕商榷之說。附以管窺。仿吳師道校國策之例。輯李注補正四卷。以詒世之爲選學者。

嘉慶戊午臘月二十日仁和孫志祖撰

KWT 63/07

文選李注補正卷一

清 仁和孫志祖頤谷輯

兩都賦序

題注。自光武至和帝都洛陽。西京父老有怨。班固恐帝去洛陽。故上此詞以諫。和帝大悅也。○正曰。余蕭客文選音義曰。按後漢書班固傳。自爲郎後。漸見親近。乃上兩都賦。及肅宗雅好文章。固愈得幸。則兩都賦明帝世所上。注誤。

蓋奏御者千有餘篇。○補曰。漢書藝文志。詩賦百六家。千三百一十八篇。

西都賦

作我上都。○補曰。李匡文資暇錄云。上都者。君上所居。人所都會。又秦地厥田上上。居天下之上。

汧涌其西。○補曰。趙氏曦明云。音義作汧水之汧。按爾雅注疏。凡水爲人所決陂障。與出而停成汧池者。皆名爲汧。合二句并上文讀之。從此義爲長。潘氏來云。西古讀如先。

度宏規而大起。注。小雅爾雅曰。羌發聲也。度與羌古字通。度或爲慶也。○正曰。按古字度不通羌。注宜云。

慶與羌古字通。傳寫譌耳。然度字自當訓謀。不必改慶。

立十二之通門。注。周禮鄭氏曰。天子十二門。通十二子也。○補曰。葉氏樹藩云。按三輔黃圖曰。東則第一。

霸城門。亦曰青門。第二清明門。內有藉田倉。亦曰藉田門。第三宣平門。亦曰東都門。南則第一杜門。亦曰覆盎門。第二安門。亦曰鼎路門。第三西安門。亦曰便門。西則第一章城門。亦曰光畢門。第二直城門。第三雍門。亦曰西城門。北則第一洛城門。第二廚城門。第三橫門。亦曰光門。凡十二門。

七相五公。注。相丞相也。漢書韋賢爲丞相。徙平陵。車千秋爲丞相。徙長陵。黃霸爲丞相。徙平陵。平當爲丞相。徙平陵。魏相爲丞相。徙平陵。公御史大夫將軍通稱也。漢書曰張湯爲御史大夫。徙杜陵。杜周爲御史大夫。徙茂陵。蕭望之爲前將軍。徙杜陵。馮奉世爲右將軍。徙杜陵。史丹爲大將軍。徙杜陵。○正曰。按呂向注。七相尙有王商王嘉。善注止五相。又向注。五公有張安世而無杜周。後漢書班固傳注。五公謂田蚡爲太尉。長陵人。張安世爲大司馬。朱博爲司空。竝杜陵人。平晏爲司徒。韋賢爲大司馬。竝平陵人。與善注互異。

隆上都而觀萬國。○補曰。許氏慶宗云。爾正觀示也。

陪以甘泉。注。漢宮闕。疏曰。甘泉林光宮。秦二世造。○正曰。趙云。按三輔黃圖曰。甘泉宮。秦始皇二十年作。漢武帝增廣之。林光宮。秦二世作。與此注不同。

離宮別館三十六所。注。離別非一所也。○補曰。後漢書注。三輔黃圖曰。上林有建章承光等宮。二十一。平樂蘭觀。二十五。凡三十六所。

增盤崔嵬。○補曰。後漢書作增槃嶮。注云。增重也。槃屋也。嶮高也。

講論乎六藝。注。周禮曰。六藝。禮、樂、射、御、書、數。○正曰。趙云。六藝。六經也。注多誤。詳後文賦
於是天子乃登屬玉之館。注。服虔曰。以玉飾。因名焉。○正曰。王世貞藝苑卮言云。屬玉。水鳥名。天子以柏梁災爲厭勝。故上林諸觀。多以水鳥名。見西京雜記。

東都賦

顧曜後嗣之末造。○補曰。禮記。諸侯之有冠禮。夏之末造也。

體元立制。注。杜預左氏傳注曰。凡人君卽位。欲其體元以居正。○正曰。何氏焯云。按如體元字。乃杜注用班語。不當引後注前。

乘時龍。注。周易曰。時乘六龍。○正曰。何云。後漢書注。馬八尺以上曰龍。月令。十二月駕蒼龍。各隨四時之色。故曰時也。李注引易。非是。

弦不睚禽。注。說文。睚。視也。音遞。○正曰。案睚不當作視解。睚與題通。郭璞注爾雅釋言云。題。額也。廣雅釋天云。不題禽。不垓。與說同遇。蓋不題禽。卽穀梁面傷不獻之意。

瞰四裔而抗稜。注。漢書詔曰。投諸四裔。○正曰。案此句本出左傳。

僣侏毘離。注。闕兜字未釋。○補曰。汪氏師韓云。兜卽任也。見白虎通。

辟雍詩

於赫太上。注。如淳曰。太上。天子也。○正曰。按李周翰云。太上。天也。言天示我漢家所行之事。許云。漢書淮

南王傳。欲以親戚之意。望於太上。匡衡傳言。太上者。民之父母。王褒四子講德論。太上聖明。是天子亦稱太上。如淳注是。

西京賦

薛綜注。○正曰。何云。此注謂出於薛綜。疑其假託。綜以赤烏六年卒。安得見王肅易注而引用之耶。綜傳有述二京解之語。恐亦不謂此賦也。又孫叔然始造反切。未必遂行於吳。許云。韋昭吳人。亦已用反切。如子虛賦。勺藥善用韋昭音切也。志祖案。薛綜注張衡二京賦二卷。見隋書經籍志。天啓其心。注謂五星聚也。○補曰。鄭語是天啓之心也。又晉語。非天誰啓之心。

於是量徑輪。考廣袤。注。南北爲徑。東西爲廣。善曰。說文曰。南北曰袤。○正曰。汪云。李引說文與薛綜解異。竊思徑其中也。輪其外也。廣言橫也。袤言直也。凡物圓則有徑輪。方則有廣袤。此注似猶未當。

坻嶸鱗胸。棧鬱嶢嶮。注。廣雅曰。坻。除也。文字集略曰。嶸。崖也。○補曰。葉云。坻嶸。棧鬱。俱實字。蓋坻之嶸。棧之鬱也。藝林伐山云。鱗胸。卽嶸胸也。

衛尉八屯。注。漢書曰。衛尉掌門衛屯兵。○補曰。何云。八屯。謂長水。中壘。屯騎。武賁。越騎。步兵。射聲。胡騎。葉云。後漢百官志。衛尉所屬。南宮。南屯。司馬主平城門宮門。蒼龍。司馬主東門。元武。司馬主元武門。北屯。司馬主北門。北宮。朱爵。司馬主南掖門。東明。司馬主東門。朔平。司馬主北門。凡七門。又中興省旅賁令。衛士一人丞。據此。則西京時於七門司馬外。復設旅賁令。是爲八屯。考長水等校尉屬北軍中候。不屬衛尉。何

說誤也。徐氏鯤曰：按何義門以八校尉爲八屯，本六臣呂延濟注，確有依據，蓋漢以南北軍相統，八校尉雖屬北軍中候，而衛尉亦得統之也。若後志之七門司馬，已屬東京制度，且旅賁是令丞，不與諸屯之列，葉說非是。

獲林光於秦餘處，甘泉之爽塏。注：林光，秦離宮名也。甘泉，山名。○補曰：趙云：關輔記曰：甘泉宮，一曰林光宮，秦所造，在甘泉山，宮以山爲名，賦似主此說。許云：三輔黃圖：林光宮，胡亥所造，從廣各五里，在雲陽縣界。

上辯華以交紛。注：辯華，敷大也。○正曰：楊慎丹鉛錄云：辯華，辯駁華麗也。辯，古斑字。梁元帝纂文云：辯華，文麗也。

咸遡風而欲翔。○補曰：詩：如彼遡風，咸塗夷庭。注：庭，猶正也。○正曰：爾雅：庭，直也。

北闕甲第，當道直啓。○補曰：漢書夏侯嬰傳：賜嬰北第，第一曰：近我以尊異之。師古曰：北第者，近北闕之第，嬰最第一也。故張衡西京賦云：北闕甲第，當道直啓。

麗美奢乎許史。○補曰：爾雅：奢，勝也。

櫛爽櫛慘。○補曰：宋玉九辨：荀櫛慘之可哀兮。

篠蕩敷衍。注：尚書曰：瑤琨篠蕩，旣敷。○正曰：金氏珪云：瑤琨篠蕩，各自爲句，此瑤琨二字誤帶。

柞木翦棘注賈逵國語脫注曰槎邪斫也。柞與槎同。○正曰金云周頌曰載芟載柞注除木曰柞周禮秋官柞氏掌攻草木何必借槎字作解。

麀鹿麀麀注毛詩曰麀鹿攸伏○正曰金云吉日曰麀鹿麀麀何以舍成句不引而引攸伏句耶。

璿弁玉纓遺光儵爚注弁馬冠也又髦以璿玉作之纓馬鞅也以玉飾之○正曰左傳楚子玉自爲璿弁

玉纓杜預注云弁以鹿子皮爲之璿玉之別名次之以飾弁及纓詩云會弁如星

建元戈弋樹招搖注元戈北斗第八星名矛頭王胡兵招搖第九星名爲盾○正曰金云按天官書云

北斗七星索隱曰徐整長歷云其二陰星不見用昏建者杓孟康曰斗第七星杓索隱杓端有兩星一內爲矛招搖近北斗

者招搖招搖爲天杓索隱曰杓端有兩星一內爲矛招搖詩范歷輻云招搖爲胡兵一外爲盾天鋒在招搖南一名元戈諸家之說不同或以招搖爲北斗之一

或以爲斗外之星禮記招搖在上軍行四宿按方而招搖旋轉指麾此斗運中央之義其名自應屬斗不

應作斗外之星大氏說文近是至北斗本係九星而二陰星不見則元戈招搖之可見者必非斗之第八

九星也注家始以杓端兩星歸并斗中遂定以八九序次不知薛綜何據志祖案禮記招搖在上鄭注云

招搖星在北斗杓端王指者孔疏春秋運斗樞云北斗七星第一天樞第二旋第三璣第四權第五衡第

六開陽第七璣光第一至第四爲魁第五至第七爲杓璣光即招搖也是杓其揔名招搖乃北斗第七星

名在斗內而不在斗外在斗外者名元戈即史記天官書所云一外爲盾天鋒者也選注以元戈爲矛招

搖爲盾又以元戈爲北斗第八星招搖爲第九星竝誤

奮鬣被般。注毛茸曰鬣。般，虎皮也。上林賦曰：被斑文般與斑。古字通。○正曰：金云：奮鬣蓋戟鬚植髮之意。當別有引證。毛說不甚清晰，或有脫文。

徒搏之所撞。○補曰：說文：撞，扞也。方言：南楚凡相推搏曰撞。

鼻赤象。○補曰：象鼻赤者怒。巨豨，豨也。怒走者爲豨。謂能戾象鼻。又穿鑿以著圈。善曰：圈，畜閑也。○正曰：金云：按鼻者，頓其鼻，即謂之鼻。猶子虛賦射麋脚麟，即謂持其脚也。豨者，子虛賦有蝮蛇龜玃，郭璞曰：蝮蛇，大獸，長百尋。下文亦云巨獸百尋，是爲曼延。字雖互異，即此一物也。大指謂象之赤者，則戾其鼻而執之。豨之巨者，亦蹙之圈牢中耳。辭注未合。羽獵賦曰：斷巨豨服虔但曰：巨豨。

收禽舉齒。○補曰：金云：詩：助我舉柴。說文：作桴，謂積禽也。舉齒，本此。

置互擺牲。○補曰：周禮：牛人凡祭祀共其牛牲之互。

大雀踐踐。○補曰：金云：此似僞作安息雀。

吞刀吐火。○補曰：金云：此則效犂靺眩人之術也。

降尊就卑。○補曰：禮記：郊特牲曰：此降尊以就卑也。

章后皇之爲貴。○補曰：金云：后皇字法本楚辭橘頌。

不常厥土。○補曰：書盤庚曰：不常厥邑于今五邦。

東京賦

由余以西戎孤臣而惸繆公於宮室。注史記由余本晉人亡入西戎相戎王使來聘秦觀秦之強弱穆公示以宮室引之登三休之臺由余曰臣國土階三尺茅茨不翦寡君猶謂作之者勞居之者淫此臺若鬼爲之則神勞矣使人爲之則人亦勞矣於是穆公大慚○正曰金云史記載由余語但有勞神苦民四句無土階茅茨等語且但云示以宮室積聚未嘗有登三休臺事此自別有出處志祖案賈誼新書退讓篇載翟王使使至楚楚王饗客於章華之臺三休而乃至其上事此注似參引彼文也下文猶謂爲之者勞居之者逸注引賈子始於宮隣卒於金虎。注鄰近也謂幽王近於宮室惑於褒姒卒有禍敗也金虎西方白虎神主金金白也善曰應劭漢官儀曰不制之臣相與比周比周者宮隣金虎宮隣金虎言小人在位比周相進與君爲隣貪求之德堅若金讒謗之言惡若虎也○正曰葉云石氏星經云昂者西方白虎之宿太白者金之精太白入昂金虎相薄主有兵亂用修楊氏謂李善不知引甘石星經而謬自爲說如楊氏解則金虎當指戰國合上宮隣之指褒姒始卒纔見確實而下文嬴氏搏翼云云脈絡亦貫矣善於陸士衡答賈長淵詩中金虎習質句會引星經此何以獨援應劭之說耶至王融曲水詩序中宮隣昭泰注仍贅應說於義更屬未安

趙建叢臺於後。注史記曰趙武靈王起叢臺太子園之三月於後在六國之時善曰鄒陽上書曰全趙之時武力鼎峙衽服叢臺之下○正曰何云趙世家無武靈王起叢臺事故漢書鄒陽傳注以爲趙幽王友所建注誤志祖案新序卷九載春申君上秦昭王書有韓魏殺知伯瑤於叢臺之上語史記作據此則趙襄

子時已有叢臺。鄒陽書云。全趙之時。恐非幽王友所建也。但注引史記趙武靈王起叢臺。則史記無此文。恐誤耳。楊氏鳳苞曰。史記鑿注。在榆次。卽上文所云智氏見伐趙之利而不知榆次之禍也。戰國策亦作鑿臺。若叢臺在鄆鄆城內。非一地也。新序叢臺蓋鑿臺之誤。

不度入不臧。○正曰。按注自云度法也。當如字讀。作入音誤。

紀禪肅然之功。注。肅敬也。○正曰。金云。按武帝禪泰山下趾。東北肅然山。肅敬也。句混雜應刪。

呼韓來享。注。戎狄呼韓。竝國名也。○正曰。金云。呼韓是單于之號。豈國名耶。

咸用紀宗存主。注。漢書景紀曰。高皇帝爲太祖廟。文皇帝爲太宗廟。言天子宜世世獻祖宗之廟也。○正

曰。金云。此謂高爲太祖。文爲太宗。武爲世宗。宜爲中宗。竝爲不遷之廟也。只注高文於咸用二字不合。

左右玉几而南面以聽矣。○補曰。漢書淮南王安諫伐閩越書云。負黼屨。憑玉几。南面聽斷。

發京倉。注。毛詩曰。曾孫之庾。如坻如京。○正曰。何云。京倉二字出此。以禁財對舉。蓋指京師之倉也。

寶皇寮。注。皇寮。百官也。○正曰。何云。皇寮猶言大寮。注亦未明。

六元虬之奕奕。注。甘泉賦曰。六元虬。○正曰。金云。甘泉賦曰。六素虬。元素既不盡合。更當推本於上林六玉虬也。

彫弓斯設。○補曰。詩敦弓既句。敦彫弓設。竝通。

滌饗饗之貪慾。注。滌蕩去也。言有貪婪嗜慾者。皆滌蕩去之也。○補曰。金云。注解本文自明。但于射義未見切貼。困學紀聞云。儀禮鄉射禮設豐燕禮有豐。注。豐形似豆而卑。三禮圖云。爵作人形。豐國名也。坐

酒亡國。戴盒戒酒。崔駰酒箴。豐侯沈酒。荷器負作。自戮于世。圖形戒後。李尤豐侯銘。豐侯醉亂。乃象其形。賦所謂滌貪慾者。或取諸此。

聲教布濩。注。布濩猶散被也。○補曰。上林賦。布濩閭澤。

剛彊必斃。注。彊難也。言鬼之剛而難者皆盡死也。○補曰。何云。王莽傳。晉灼注。剛卯銘曰。庶疫剛彊。莫我敢當。

聲與風翔。澤從雲游。○補曰。聖主得賢臣頌。恩從祥風翔。德與和氣游。

亦又何求。○補曰。毛詩曰。亦又何求。

放心不覺。注。孟子曰。人有放心。不知求學問之道也。○正曰。學問之道也五字。牽綴無理。應刪。

瞻仰二祖。注。言瞻望高祖功庸。○正曰。趙云。二祖。高祖世祖也。

卻走馬以糞車。注。老子曰。天下無道。戎馬生於郊。天下有道。卻走馬以糞。河上公曰。糞者糞田也。兵甲不用。卻走馬以移農田。然今言糞車者。言馬不用而車不敗。故曰糞車也。○補曰。何云。文子曰。夫召遠者使無爲焉。親近者言無事焉。惟夜行者能有之。故卻走馬以糞車。軌不接于遠方之外。是謂坐馳陸沈。善注偶未及此。

章漢祚之有秩。注。秩常也。言明漢家之常秩也。○補曰。毛詩曰。有秩斯祐。

題注。摯虞曰。南陽郡治宛。在京之南。故曰南都。○補曰。李周翰注云。南陽光武舊居。因置都焉。桓帝時議欲廢之。故衡作是賦。

微眇流睇。蛾眉連卷。○補曰。上林賦曰。長眉連娟。微睇絲藐。

白鶴飛兮。繭曳緒。注。皆舞人之容。○正曰。潘氏耒云。白鶴飛舞態。繭曳緒。歌聲。注誤。

汰淺澗兮。船容裔。注。上林賦曰。淺澗隕墜。○正曰。金云。高唐賦。巨石溺溺之淺澗兮。在前。

章陵鬱以青葱。○補曰。後漢書光武紀。望氣者蘇伯阿爲王莽使至南陽。遙望見春陵城郭。暗曰。氣佳哉。鬱鬱葱蔥然。

詠南音以願懷。注。左氏傳。楚鍾儀囚于晉。與之琴。操南音。○正曰。許云。當引呂子音初篇。禹始制爲南音。此於帝王下。決不用鍾儀囚晉事也。

方今天地之睢刺。注。漢書音義曰。方向也。謂高祖也。蒼頡篇曰。今時辭也。謂光武。○正曰。劉良注云。方向也。向今猶向時也。言向時秦莽失政。正是高祖光武革命之秋也。

視人用遷。○補曰。尚書曰。視民利用遷。民作人。避唐諱。皇祖止焉。注。皇祖高祖也。○正曰。何云。皇祖似謂考侯。

蜀都賦

其間則有琥珀丹青。注。博物志曰。琥珀一名江珠。○正曰。按此賦下句云。江珠環英。則非一物而二名矣。

垌野草昧。○補曰。周易曰。天造草昧。

浸以縣雒。注。雒水在上雒縣。出桐柏山。○正曰。何云。漢書地理志。廣漢郡雒縣。章山。雒水所出。南至新都。

谷入湔。桐柏則在南陽平氏縣東南。淮水所出。恐誤。

紫梨津潤。○補曰。丹鉛錄云。注不言其狀。按蜀有梨樹。花以秋日。其花紅色。唐李遵有進紫梨表。元王秋

澗有秋日詠紅梨花詞。可證。

霽塵張天。○補曰。左傳曰。湫隘霽塵。又曰。甚霽且塵上矣。

尉羅絡幕。○補曰。禮記曰。鳩化爲鷹。然後設尉羅。

彈言鳥於森木。○補曰。三國志王朗傳曰。牙獸屈膝。言鳥告歎。

殆而竭來。○補曰。子虛賦。怠而後發。殆怠通字。

焉獨三川。爲世朝市。○補曰。何云。三川謂魏都。張儀曰。親魏善楚。下兵三川。

吳都賦

旁魄而論都。注。旁魄取寬大之意。王孫謂寬大之意。論西都也。○正曰。按論西都不可解。潘云。都字似衍。

因下有論都字。故誤耳。

惣有流而爲長。○補曰。潘云。惣卽摠字。

鳥則鷓鴣鸚鵡。玉注。鷓鴣。水鳥也。○補曰。金云。上林賦曰。駕鵝屬玉。殆卽此物。音同而字異耳。郭璞曰。

屬玉似鴨而大。長頸赤目紫紺色者。後人或以屬玉爲鷺之別名。觀此處與鷺並稱。郭注又以爲紫紺色。則非鷺也。漢書宣帝紀甘露二年屬玉觀注晉灼曰屬玉水鳥似鷺

鵲鵲鵲注鵲鵲出南海桂陽諸郡○正曰金云鵲鵲恐是二物。鵲卽鵲鵲。蓋上句二物。此句四物也。

食葛香茅注食葛蔓生與山葛同根特大美於芋也豫章閒種之○補曰盛百二袖堂筆談云何義門以爲食葛疑今番薯非也。食葛理粗如首烏。其大者若小兒形。亦名乾葛。予在嶺南惠潮之閒常食之。

平仲君遷注君遷之樹子如瓠形○補曰丹鉛錄曰司馬溫公名苑云君遷子如馬妳。俗云牛妳柿是也。今之造扇用此柿油。

國秬再熟之稻○補曰許云水經溫水注名白田種白穀。七月火作。十月登熟。名赤田種赤穀。十二月作。四月登熟。所謂再熟之稻也。

左稱彎碣。右號臨碕。注吳後主起昭明宮於太初之東開彎碣臨碕二門彎碣宮東門臨碕宮西門○正曰董氏潮云彎碣臨碕。李周翰注以爲皆險峻也。王荊公有彎碣詩。

虞魏之昆顧陸之裔。注虞虞文秀魏魏周顧顧榮陸陸遜○正曰何云虞魏吳志無傳。文秀當作文繡。文繡則仲翔之父也。魏周當作魏周榮。顧榮當作顧雍。

中酒而作○補曰漢書樊鄴傳項羽既饗軍士中酒師古曰飲酒之中也不醉不醒故謂之中。藏鑑於人去戲自閤○補曰潘云去亦藏也。